

10	JARDUERA ACTIVIDAD	ADIBIDEA MODELO
	garapena desarrollo	10.1

IKASTETXEAREN HIZKUNTZA-HELBURUAK. ZER NAHI DUGU?

📌 Hizkuntza Proiektuaren helburu orokorrak Hezkuntza Proiektuari lotuak

- Ikastetxeak heziketa euskalduna eman nahi die ikasleei, euskara modu egokian jakin eta euskal kultura sendotzeko, garatzeko eta transmititzeko prozesuan parte har dezaten. Ikastetxeak gizabanako euskaldunak hezi nahi ditu euskararekiko motibazioa eta jarrera positiboa dutenak.
- Ikastetxeak euskara du Hezkuntza Proiektuaren eta Hizkuntza Proiektuaren ardatz baina, gizabanako eleaniztunak hezi nahi dituen heinean, hain beharrezkoa den beste hizkuntza batzuen erabilera eta ezagutza bultzatzeko behar diren neurriak bultzatuko ditu.
- Halaber, ikastetxe honek euskara bihurtu nahi du barne-bizitzako komunikazio-hizkuntza, bertako eta beraren harremanetan euskararen zabalkundea, garapena eta transmisioa ziurtatuz.
- Ikastetxearen iritziz ingurunearen eta gizabanakoaren hizkuntza-aniztasuna eta kultura-aniztasuna eskubideak dira. Eskubide hori baliatzeko aniztasunarekiko errespetua eta konpromiso jarrerak sustatuko ditu, bazterkeria, bereizkeria jarrerak gainditzen saiatuko delarik.
- Ikastetxeak proiektu honetan, arlo bat edo ikasgai bat, gutxienez, atzerriko hizkuntzan irakasteko asmoa ezarri nahi du, ikasleen gaitasun eleanitza garatzen laguntzeko.

📌 Ikastetxearen diagnostikoarekin lotutako helburu zehatzak

- Ikastetxeak, bertan irakasten diren eta irakasteko erabiltzen diren hizkuntzetan (euskara, gaztelania, ingelesa, frantsesa), ikasleen hizkuntza-komunikaziorako kompetentzia garatu eta hobetu nahi du indarrean dagoen curriculum-markoak zehatutakoarekin bat.

Halaber, ikastetxean honako helburu hauek lortu nahi ditugu:

- Ahozko euskararen erabilera sustatzea ikastetxeko harremanen hizkuntza gisa
- Ahozko hizkuntza lantzea arlo eta ikasgai guztietan
- Ahozko hizkuntza ebaluatzeko irizpideak eta tresnak adostea, arlo eta ikasgai guztietan.
- Hizkuntza-esparruko arlo guztien arteko koordinazioa hobetzea, metodologia koherente eta bateratua erabiliz.
- Hizkuntza guztietan hizkuntza-trebetasunak (hitz egin, solasean aritu, irakurri, idatzi, entzun...) modu koherentean eta bateratuan ebaluatzea..

10	JARDUERA ACTIVIDAD	ADIBIDEA MODELO
	garapena desarrollo	10.1

Helburuak zehazteko prozesuaren adibidea, Hezkuntza Proiektutik eta ikastetxearen diagnostikotik abiatuta.

Hizkuntza Proiektua

helburuak

Ikastetxeak prestakuntza euskalduna eman nahi die ikasleei euskara modu egokian menperatu eta euskal kultura sendotzeko, garatzeko eta transmititzeko prozesuan parte har dezaten. Ikastetxeak euskararekiko jarrera positiboa eta motibazioa duten gizabanako euskaldunak hezi nahi ditu.

Euskararen ahozko erabilera indartzea ikastetxeko harremanen hizkuntza gisa.

Ikastetxearen Hezkuntza Proiektua

Ikastetxeak gizabanako euskaldunak hezi nahi ditu.

Diagnostikoa

Harremanen, kudeaketaren eta antolakuntzaren esparruari dagokionez, diagnostikoan ikusi da irakasle gehienek gaztelania darabiltela ikastetxeko harremanetan, bai ingurukoekin, bai ikasleen familiekin. Beraz, ikastetxearen jarduera-esparru nagusietako bat izango da euskararen erabilera bultzatzea inguruneke zein familiekiko harremanetan.